

Tarikh Dibaca: 02 Jun 2017M | 07 Ramadhan 1438H

KHUTBAH JUMAAT

Tajuk:

***“ZAKAT: MENYUCIKAN JIWA
MENYUBURKAN HARTA”***

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“ZAKAT: MENYUCIKAN JIWA MENYUBURKAN HARTA”

الْحَمْدُ لِلَّهِ الْقَائِلِ: وَأَقِيمُوا الصَّلَاةَ وَآتُوا الزَّكَاةَ
وَمَا تُقَدِّمُوا لِأَنفُسِكُمْ مِنْ خَيْرٍ تَجِدُوهُ عِنْدَ اللَّهِ ^{قُلْ} إِنَّ اللَّهَ بِمَا
تَعْمَلُونَ بَصِيرٌ ^١

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَىٰ آلِهِ ۖ وَأَصْحَابِهِ ۖ أَجْمَعِينَ.
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Saya ingin berpesan kepada diri saya dan kepada sidang Jumaat sekalian, marilah sama-sama kita meningkatkan ketaqwaan kepada Allah SWT dengan mengerjakan segala perintah-Nya serta menjauhi segala larangan-Nya. Mudah-mudahan Allah SWT memberkati kehidupan kita ini dengan nikmat, taufik dan hidayah yang berpanjangan serta beroleh kejayaan di dunia dan di akhirat.

¹ Al-Baqarah ; 110



Pada hari ini, khatib ingin mengajak sidang Jumaat menghayati khutbah yang bertajuk **“ZAKAT: MENYUCIKAN JIWA MENYUBURKAN HARTA”**.

Hadirin Jumaat yang dirahmati Allah sekalian,

Sesungguhnya ibadah zakat fitrah telah disyariatkan pada tahun ke 2 hijrah iaitu merupakan tahun yang sama ibadah puasa disyariatkan.

Dalam waktu kita menjalani ibadah puasa, marilah kita menghayati keperitan dan kesusahan golongan fakir dan miskin disekitar kita. Perit kelaparan kita hanya dirasai pada waktu siang hari sahaja tetapi mereka merasai kelaparan pada siang dan malam. Bahkan, kita berlapar hanya dalam sebulan di bulan Ramadhan tetapi mereka berlapar sepanjang tahun.

Oleh itu, syukurilah nikmat Allah taala dengan memperbanyakkan infaq dan sedekah agar nikmat kesenangan dapat sama-sama dirasai dan menggembirakan hati orang-orang fakir dan miskin.

Khatib ingin menjelaskan bahawa terdapat dua jenis zakat yang wajib ditunaikan. Pertama zakat fitrah dan kedua adalah zakat harta. Bagi zakat fitrah ia digalakkan supaya menunaikannya diawal waktu agar agihan zakat ini dapat diberikan segera kepada asnaf fakir dan miskin supaya mereka dapat membuat persiapan lebih awal untuk menyambut hari raya pada tahun ini dengan perasaan gembira dan berbahagia. Bahkan, ia merupakan sikap yang mulia sebagaimana dijelaskan melalui sebuah hadis daripada Abu Hurairah R.Anhu bahawa Rasulullah SAW bersabda:

مَنْ يَسَّرَ عَلَى مُعْسِرٍ، يَسَّرَ اللَّهُ عَلَيْهِ فِي الدُّنْيَا
وَالْآخِرَةِ



“Sesiapa yang memudahkan kesusahan seseorang, nescaya Allah mempermudahkannya dalam kehidupannya didunia dan akhirat”.

(Riwayat Ibnu Majah).

Antara perkara yang perlu diambil perhatian berkaitan zakat fitrah ini ialah:

1. Allah SWT menjanjikan keberkatan, pertambahan rezeki, kebahagiaan dan ganjaran pahala yang besar kepada hamba-Nya yang menunaikan zakat fitrah. Begitu juga dengan zakat dan sedekah.

2. Zakat Fitrah wajib ditunaikan keatas setiap orang Islam, kecil atau dewasa, tua atau muda, lelaki atau perempuan termasuk bayi yang baru dilahirkan. Zakat fitrah mesti dikeluarkan sebelum solat Idulfitri kerana jika ia dikeluarkan selepas solat idulfitri hanya akan dianggap sedekah biasa sahaja. Ini berdasarkan kepada hadis yang diriwayatkan daripada Ibnu Abbas R.Anhu beliau berkata yang bermaksud:

“Rasulullah SAW telah memfardhukan zakat fitrah untuk membersihkan orang yang berpuasa dari perbuatan sia-sia dan dari perkataan keji dan untuk memberi makan orang miskin. Barang siapa yang mengeluarkannya sebelum solat Idulfitri, maka ia adalah zakat yang di terima dan barang siapa yang mengeluarkannya sesudah solat Idulfitri, maka itu adalah sedekah seperti sedekah biasa bukan zakat fitrah”.

(Riwayat Abu Daud).

Seseorang yang tidak menunaikan zakat fitrah dengan sengaja atau lalai maka hukumnya berdosa dan wajib mengqadhakannya dengan segera.

Menurut pendapat ulama dalam kitab Mustika Hadis terbitan Jabatan Kemajuan Islam Malaysia (JAKIM):



"Seseorang yang melengahkan bayaran zakat fitrah sehingga luput waktu menunaikannya, maka ia telah berdosa dan masih wajib menunaikan zakat fitrah selepas waktu itu. Bahkan zakat fitrah tersebut menjadi hutang atas dirinya sehinggalah dia menunaikannya walaupun pada akhir hayatnya".

Maka bagi mengelakkan dosa dan perkara-perkara yang dinyatakan tadi, bersegeralah menunaikan zakat fitrah dan jangan melengahkan.

Firman Allah SWT dalam surah ali Imran ayat 133;

﴿ وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا
السَّمَوَاتُ وَالْأَرْضُ أُعِدَّتْ لِلْمُتَّقِينَ ﴾

"Dan segeralah kamu kepada (mengerjakan amal-amal yang baik untuk mendapat) keampunan dari Tuhan kamu, dan (mendapat) syurga yang bidangnya seluas segala langit dan bumi, yang disediakan bagi orang-orang yang bertaqwa".

3. Jawatankuasa Fatwa Negeri Selangor telah menetapkan harga zakat fitrah bagi Negeri Selangor pada tahun 2017 ini ialah sebanyak RM7.00 seorang secara tunai.

Hadirin yang berbahagia sekalian,

Berdasarkan laporan kutipan dan agihan zakat fitrah di Negeri Selangor, pada tahun 2016 sebanyak RM22.2 juta telah diperolehi daripada umat Islam yang menunaikan zakat fitrah di negeri ini. Pada tahun yang sama, pihak zakat Selangor telah mengagihkan sebanyak RM32 juta kepada 46,500 keluarga asnaf fakir dan miskin di Negeri



Selangor ini sebagai persiapan mereka menyambut Ramadhan dan Hari Raya Idulfitri.

Pada tahun 2016 jumlah asnaf fakir dan miskin telah meningkat dari 44,393 keluarga kepada 46,500 keluarga. Peningkatan sebanyak 2,207 keluarga fakir miskin ini mendorong kepada peningkatan bantuan dan keutamaan pengagihan zakat kepada mereka berbanding asnaf-asnaf yang lain. Pertambahan jumlah asnaf fakir dan miskin di Selangor ini kerana beberapa faktor antaranya ialah peningkatan kos sara hidup yang membebankan dan berlakunya pemberhentian kakitangan secara beramai-ramai akibat daripada pihak majikan yang ingin menurunkan kos operasi.

Oleh itu, khatib ingin berpesan kepada sidang Jumaat sekalian, bersempena dengan keberadaan kita di Bulan Ramadhan yang mulia ini, lunaskanlah kewajipan zakat fitrah demi beroleh ganjaran pahala yang besar disisi Allah SWT dan memberi kegembiraan kepada golongan fakir dan miskin di negeri ini untuk memenuhi keperluan hidup mereka bagi menyambut Ramadhan dan Hari Raya Idulfitri pada tahun ini.

Disamping itu, pastikan juga segala harta yang diwajibkan zakat telah dizakatkan. Selain itu pastikan juga sumber pendapatan, perniagaan yang diusahakan, pengeluaran wang dari simpanan KWSP dan lain-lain juga telah selesai dizakatkan.

Pada masa kini pelbagai kemudahan pembayaran zakat disediakan. Pihak Lembaga Zakat Selangor telah melantik seramai 2,671 orang amil fitrah yang bertugas di seluruh masjid dan surau di Negeri Selangor. Disamping itu terdapat 28 buah kaunter zakat disediakan demi memudahkan umat Islam menunaikan zakat.

Hadirin yang dikasihi Allah sekalian,



Untuk makluman para Jemaah sekalian, Lembaga Zakat Selangor merupakan institusi amil yang dilantik oleh DYMM Sultan Selangor untuk menguruskan hal ehwal zakat di negeri ini. Gerak kerja yang dilakukan sentiasa dibawah pemantauan pihak Majlis Agama Islam Selangor dan diaudit secara teliti oleh 5 pihak pemantau bebas daripada pelbagai agensi termasuk pihak audit Negara untuk memastikan kutipan dan agihan zakat dilaksanakan dengan telus. Bahkan laporan audit ini didedahkan kepada umum di dalam Laporan Tahunan sepertimana laporan Audit Negara.

Muslimin yang dirahmati Allah sekalian,

Tausiah dan pengajaran daripada khutbah yang disampaikan pada hari ini ialah;

1. Umat Islam wajib melaksanakan segala perintah Allah seperti solat, zakat, puasa haji dan lain-lain.
2. Umat Islam hendaklah menunaikan zakat fitrah bermula dari awal lagu untuk mengelakkan diri kita daripada lupa dan lalai disamping memberi kegembiraan kepada asnaf fakir dan miskin menyambut Ramadhan dan hari raya.
3. Umat Islam hendaklah meyakini bahawa meninggalkan perintah-perintah Allah akan mengundang azab siksa dan kemurkaan daripada Allah SWT.
4. Umat Islam hendaklah mengambil kesempatan untuk meraih sebanyak mungkin pahala yang Allah sediakan khususnya dalam bulan Ramadhan ini.



أَعُوذُ بِاللَّهِ مِنَ الشَّيْطَانِ الرَّجِيمِ
فَمَا أُوتِيتُمْ مِنْ شَيْءٍ فَمَتَّعُ الْحَيَاةَ الدُّنْيَا وَمَا عِنْدَ اللَّهِ
خَيْرٌ وَأَبْقَى لِلَّذِينَ ءَامَنُوا وَعَلَىٰ رَبِّهِمْ يَتَوَكَّلُونَ ﴿٣٦﴾

"Oleh itu, apa jua yang diberikan kepada kamu, maka ia hanyalah nikmat kesenangan hidup di dunia ini sahaja, dan (sebaliknya) apa yang ada di sisi Allah (dari pahala hari akhirat) adalah lebih baik dan lebih kekal bagi orang-orang yang beriman dan yang berserah bulat-bulat kepada Tuhan-Nya".

(as-Syuraa; 36).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Faryzan/Nurul
12.05.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُوْر، سُلْطَانَ شَرْفِ الدِّيْنِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّيْنِ عَبْدِ الْعَزِيْزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيْقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُوْر،
تَغْكُوْ اَمِيْر شَاهِ ابْنِ السُّلْطَانَ شَرْفِ الدِّيْنِ اَدْرِيسِ
شَاهِ الْحَاجِ فِيْ اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng daripada ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfakkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ ۖ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
